



Broj: 27/03-34-47732-1/24
Sarajevo, 22.10.2024. godine

Na osnovu člana 32. stav (5) Zakona o visokom obrazovanju („Službene novine Kantona Sarajevo“, broj: 36/22), na zahtjev Univerziteta u Sarajevu, broj: 0101-10396/24 od 16.10.2024. godine, Ministarstvo za nauku, visoko obrazovanje i mlade Kantona Sarajevo daje

SAGLASNOST
na proširenje broja i strukture studenata koji se mogu upisati
u prvu godinu II ciklusa studija na Univerzitetu u Sarajevu
u studijskoj 2024./2025. godini.

I

Daje se saglasnost na proširenje broja i strukture studenata koji se mogu upisati u prvu godinu II ciklusa studija na Univerzitetu u Sarajevu u studijskoj 2024./2025. godini, kako slijedi:

1. Univerzitet u Sarajevu – Akademija likovnih umjetnosti:

a) dva (2) studenta na studijskom programu „Nastavnički“ (redovan samofinansirajući studij).

2. Univerzitet u Sarajevu – Arhitektonski fakultet:

a) četiri (4) studenta na studijskom programu „Arhitektura i urbanizam“ (redovan samofinansirajući studij).

3. Univerzitet u Sarajevu – Elektrotehnički fakultet:

a) osam (8) studenata na Osdjeku za računarstvo i informatiku (redovan studij).

II

Proširenje broja i strukture studenata koji se mogu upisati u prvu godinu II ciklusa studija na Univerzitetu u Sarajevu u studijskoj 2024./2025. godini iz tačke I ove saglasnosti se odnosi na kandidate koji su, u konkursnoj proceduri, ispunili formalne uslove za upis.

III

Zadužuje se Univerzitet u Sarajevu da ovu saglasnost realizira u skladu sa Standardima i normativima za obavljanje djelatnosti visokog obrazovanja na području Kantona Sarajevo („Službene novine Kantona Sarajevo“, broj: 17/19).

IV

Ova saglasnost stupa na snagu danom donošenja.



Obrazloženje

Ministarstvu za nauku, visoko obrazovanje i mlade Kantona Sarajevo, na daljnje postupanje, dostavljen je zahtjev Univerziteta u Sarajevu, broj: 0101-10396/24 od 16.10.2024. godine, za proširenje broja i strukture studenata koji se mogu upisati u prvu godinu II ciklusa studija na Univerzitetu u Sarajevu u studijskoj 2024./2025. godini.

U prilogu zahtjeva Univerziteta u Sarajevu, dostavljena je Odluka Senata Univerziteta u Sarajevu, broj: 01-3-2/24 od 16.10.2024. godine, kojom se daje saglasnost za proširenje Plana upisa studenata u prvu godinu II ciklusa studija na zahtjev Univerziteta u Sarajevu – Akademije likovnih umjetnosti, Univerziteta u Sarajevu – Arhitektonskog fakulteta i Univerziteta u Sarajevu – Elektrotehničkog fakulteta, kao Odluka Vijeća Univerziteta u Sarajevu – Akademije likovnih umjetnosti, broj: 03-406/24 od 02.10.2024. godine, kojom se utvrđuje prijedlog proširenja upisne kvote na II ciklusu studija, Odluka Vijeća Univerziteta u Sarajevu – Arhitektonskog fakulteta, broj: 04-01-1129/3-24 od 11.10.2024. godine, kojom se prihvata prijedlog proširenja upisne kvote na II ciklusu studija i Odluka Vijeća Univerziteta u Sarajevu – Elektrotehničkog fakulteta, broj: 01-4704/24 od 14.10.2024. godine, kojom se usvaja prijedlog proširenja upisne kvote na II ciklusu studija.

Nakon razmatranja dostavljenog zahtjeva, Ministarstvo za nauku, visoko obrazovanje i mlade Kantona Sarajevo je ocijenilo da je isti usklađen sa Zakonom o visokom obrazovanju te je donesena saglasnost kao u dispozitivu.



Dostaviti:

- Univerzitet u Sarajevu, Sarajevo, Obala Kulina bana 7/II
- a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

2/2